



*JP CESTE FEDERACIJE BiH d.o.o.*

Bosna i Hercegovina  
Federacija Bosne i Hercegovine  
Projekt modernizacije cesta u FBiH

## OPĆA OBAVIJEST O NABAVCI

Kredit br. IBRD 8640 i EIB 24315  
ID broj projekta: P152406 BA

Bosna i Hercegovina je podnijela zahtjev za finansiranje kod Svjetske banke - Međunarodne banke za obnovu i razvoj (IBRD), Evropske investicijske banke (EIB) i Evropske banke za obnovu i razvoj (EBRD) u svrhu izmirenja troškova Programa modernizacije cesta u Federaciji BiH.

Program modernizacije cesta (FBH RMP), pripremljen od FBiH, prilika je za holistički pristup unapređenju magistralnih cesta budući da uključuje poboljšanje mreže (popravke cesta, mostova i tunela), intervencije u oblasti sigurnosti cesta, kao i mjere za poboljšanje sveukupnog upravljanja magistralnim cestama. Isti je zamišljen kao četverogodišnji program vrijednosti od €173 mil. koji će finansirati Svjetska banka-IBRD (€58 mil.), EIB (€50 mil.) i EBRD (€65 mil.).

Dio FBH RMP vrijednosti € 90.85 mil. će biti zajednički finansiran od IBRD i EIB, obuhvata sljedeće komponente:

Komponenta 1. Unapređenje i modernizacija cesta (ukupan procijenjeni trošak od €78,21 mil., uključujući nepredviđene radove, zajedničko finansiranje IBRD i EIB). Ova komponenta uključuje finansiranje građevinskih radova na: (i) završetku nove trase na cesti M17.3 Neum - Stolac; (ii) izgradnju trećih traka za spora vozila na devet odabranih cestovnih dionica; (iii) rekonstrukciju/rehabilitaciju četiri odabrane cestovne dionice sa djelomičnom korekcijom osi; (iv) rehabilitaciju tri odabrana tunela i (v) rehabilitaciju sedam odabranih mostova.

Komponenta 2. Intervencije u oblasti cestovne sigurnosti (ukupan procijenjeni trošak od € 2,76 mil. zajedničko financiranje IBRD i EIB). Iz ove komponente će se finansirati rekonstrukcija osam raskrsnica klasificiranih kao crne tačke na magistralnim cestama.

Komponenta 3: Poboljšanje upravljanja magistralnom mrežom cesta (ukupan procijenjeni trošak od €3,0 mil. 100% finansira IBRD). Ova komponenta će ojačati upravljanje magistralnim cestama u FBiH, sa posebnim naglaskom na poboljšanje finansijske održivosti ulaganja, pojednostavljenje klimatskih uvjetovanosti i unapređenje sigurnosti na cestama.

Komponenta 4: Upravljanje projektima i implementacija (ukupan procijenjeni trošak od €6,88 mil. zajednički finansiraju IBRD i EIB). Iz ove komponente će se finansirati nadzor svih projekata javnih radova i izgradnja kapaciteta JP Cesta FBiH, i to kroz pružanje tehničke pomoći, tehničke revizije, monitoringa na tunelu Crnaja i finansijske revizije projekta.

Nabavka ugovora koji se finansiraju iz kredita IBRD-a i EIB-a će se provoditi po postupku propisanom u Smjernicama Svjetske banke: Nabavka roba, radova i nekonsultantskih usluga u okviru IBRD zajmova i IDA kredita i grantova, januar 2011., dopunjena verzija iz jula 2014., gdje je ista otvorena za sve podobne ponuđače iz zemalja definiranih smjernicama. Konsultantske usluge će se odabirati u skladu sa smjernicama Svjetske banke: Odabir i angažman konsultanata (u okviru IBRD zajmova i IDA kredita i grantova) od strane Zajmoprimaca Svjetske banke, januar 2011., dopunjena verzija iz jula 2014. godine).

Posebne obavijesti o nabavci ugovora za koje će se nadmetanje provoditi prema principima međunarodnog konkurentskog nadmetanja Svjetske banke, kao i za konsultantske ugovore velike

vrijednosti će, nakon što budu dostupne, biti objavljene u UN Development Business, Dodatku Službenom listu Europske unije (OJ/ S) kao i u lokalnim novinama.

Zainteresirani ponuđači koji žele biti uključeni na mailing listu za primanje poziva za nadmetanje prema ICB procedurama, kao i zainteresirani kandidati koji žele primati kopije oglasa kojima se poziva na iskazivanje interesa za konsultantske ugovore velike vrijednosti, ili kandidati koji zahtijevaju dodatne informacije, trebaju se obratiti na niže navedenu adresu.

*JP Ceste Federacije BiH*  
G-din Ljubo Pravdić, direktor  
Terezija 54, 71000 Sarajevo  
Bosna i Hercegovina  
Tel: + 387 33 250 370  
Fax: + 387 33 250 400  
E-mail: [pit@jpcfbih.ba](mailto:pit@jpcfbih.ba)  
[www.jpcfbih.ba](http://www.jpcfbih.ba)